


Tertialrapport 2 - 2018



Tertialrapporten gir eit
oversyn over rekneskapen
for Radøy kommune
pr 31. august 2018



Rapporten for andre tertial 2018 er eit kortfatta oversyn over drifta i Radøy kommune i perioden januar - august 2018.

Rapporten syner dei sentrale rekneskapsrapportane, hovudoversikt drift, skjema 1A og 1B. I tillegg er det teke inn eit oversyn over investeringskostnadene som er påkomne så langt i året - i skjema 2B. Det vert også lagt fram balanse pr 31.08.2018

Det er også viktig å merka seg at rekneskapen ikkje er fullstendig avslutta og avstemt, og at fullstendig periodisering ikkje er gjennomført.

Budsjettala er periodiserte så langt det er råd, og er basert på vedtekte budsjett pr 31.08.2018.

Driftsrekneskapen

Ordinært rammetilskot ser ut til å bli om lag som føresett, men grunna etter måten høg skatteinngang på landsplan, kan inntektsutjamninga likevel verta litt høgare enn budsjettert. Skatteinngangen for Radøy isolert er svak, slik det også går fram av diagrammet nedst på sida.

Eigedomsskatten er i rimeleg samsvar med budsjett.

Det er stor uvisse knytt til mottak av flyktningar i 2018. I budsjettet er det lagt til grunn 10 nye flyktningar, men dei siste signala kan tyda på at Radøy kommune ikkje får førespurnad om å busetja fleire flyktningar i 2018. Dette

kan føra til bortfall av nær 1,9 mill i tilskot, men også reduserte kostnader til introduksjonsstønad og andre tiltak. Bortfallet av inntekt kan også «bufrast» mot avsette fondsmidlar til integrering.

Finansinntektene ligg om lag på budsjett. Finansutgiftene er så langt rimeleg i samsvar med budsjettet, men det vert litt høgare avdragsbelastning enn budsjettert i 2018. Dette skuldast at avdragsprofilen har gitt litt for mykje avdrag. Fleire lån er no avdragsfrie, for å halda avdragsbelastninga nede. Av skjema 1A går det fram at dei frie inntektene er ca 99% av budsjett for perioden.

Drift

Av skjema 1B går det fram at drifta på kvart av hovudområda er svært tett på budsjett, så langt i året. Det er likevel nokre tilhøve som gjer at det vil bli avvik iht budsjett i siste tertial. Dette vert kommentert for kvart område. Rådmannen kjem tilbake til formannskap og kommunestyre med sak om budsjettendring på dei punkta som vert kommenterte.

Stab og politisk

For stab og politisk ser det førebels ikkje ut til å bli vesentlege avvik i høve til budsjettføresetnadene.

Oppvekst

På Manger skule vert det sett opp ein mellombels paviljong for å betra romsituasjonen. Leigekostnadene ved denne må først i drifta, men i budsjettet vart det lagt til grunn at

kostnadene ved paviljong kunne først som investering. Meirkostnad i drift i 2018 blir om lag 1 mill. Det ser også ut til å vera trong for mindre justering av budsjettet for nokre av skulane og barnehagane iht auka utgiftsbehov eller redusert inntekt.

Helse og omsorg

For helse og omsorg ser ein no fleire utfordringar. I barnevernet er det trong for å setja inn ekstra ressursar, men for 2018 vil ein truleg kunna halda rammene, grunna innsparingar på andre postar ved barnevernet.


Innan omsut har det vore heilt nødvendig å setja inn ekstra ressursar, noko som vil gje permanent auka driftsnivå. Førebels vert det varsla meirkostnader på om lag 1,7 mill i 2018, men det er enno ikkje avklåra korleis tilbodet vert innretta. Ved Velferdssenteret er det for tida langt færre bebuarar enn det er plass til; det har vore ned mot 20 bebuarar i periodar. Dette gir også redusert vederlagsbetaling til Velferdssenteret. Personell ved Velferdssenteret vert for tida «lånt ut» til andre tenesteområde, og rådmannen følgjer nøye med på ressursituasjonen.

Grunna færre bebuarar på Velferdssenteret, får Radøy matsøvis reduserte inntekter, som samstundes gir Velferdssenteret reduserte kostnader. Radøy matsøvis greier ikkje redusera grunnbemanninga tilstrekkeleg til å møte inntektsbortfallet.

Heimetenesta opplever på si side sterkt press, og varslar at det kan bli overskridingar på drifta resten av året.

Diagrammet til høgre syner skatteinngangen for dei åtte første månadene i 2018, samanlikna med fjoråret. Skatteinngangen på landsplan har lagt godt over tidlegare overslag, men frå august ser ein reduksjon i veksten. Radøy har no den klårt svakaste skatteinngangen av kommunane i Hordaland. Venstre akse syner auke i høve til fjoråret (stolpar) og høgre akse syner Radøy sin skatteinngang i prosent av landet (liner). Gjennomsnitt for landet er like 100, som ligg ovanfor diagrammet.

Skatteinngang pr mnd 2018



Hovudoversyn drift	R T2 2018	Forbruk	B T2 2018	Regulert B 2018	R T2 2017
Driftsinntekter					
Brukarbetalingar	11 367 975	71,9 %	15 814 144	23 849 216	10 550 582
Andre sals- og leigeinntekter	19 973 852	132,2 %	15 107 147	22 661 556	19 861 690
Overføringar med krav til motyting	31 738 126	179,2 %	17 710 912	39 308 676	34 974 694
Rammetilskot	115 814 750	101,9 %	113 638 000	170 058 000	112 733 969
Andre statlege overføringar	8 452 295	104,9 %	8 054 750	16 375 500	9 247 750
Andre overføringar	23 381		-	-	73 881
Skatt på inntekt og formue	74 883 930	98,0 %	76 392 000	120 601 000	74 000 145
Eigedomsskatt	10 230 405	101,0 %	10 130 320	15 197 000	10 127 734
Sum driftsinntekter	272 484 715	106,1 %	256 847 274	408 050 948	271 570 445
Driftsutgifter					
Lønsutgifter	157 793 881	103,5 %	152 443 336	237 391 437	150 723 212
Sosiale utgifter	45 976 343	105,0 %	43 776 926	65 480 883	43 242 258
Kjøp varer/ten. som inngår i teneste-prod.	37 512 390	113,1 %	33 156 988	47 161 117	34 880 545
Kjøp av tenester som erst. tenesteprod.	20 950 235	97,1 %	21 571 833	32 536 000	18 704 665
Overføringar med krav til motyting	15 922 871	124,3 %	12 807 533	19 919 800	15 963 704
Avskrivningar	-		-	15 600 000	-
Fordelte utgifter	-		-40 000	-710 000	-637 628
Sum driftsutgifter	278 155 720	105,5 %	263 716 617	417 379 237	262 876 758
Brutto driftsresultat	-5 671 005	82,6 %	-6 869 343	-9 328 289	8 693 688
Finansinntekter					
Renteinntekter og utbyte	4 744 615	102,2 %	4 644 667	4 987 000	4 564 219
Mottekne avdrag på utlån	49 870	124,7 %	40 000	60 000	91 813
Sum eksterne finansinntekter	4 794 485	102,3 %	4 684 667	5 047 000	4 656 032
Finansutgifter					
Renteutgifter og lånekostnader	4 634 390	97,3 %	4 763 000	5 765 000	4 468 350
Avdrag på lån	9 780 390	110,7 %	8 832 000	9 015 000	7 656 140
Utlån	55 745	139,4 %	40 000	60 000	29 587
Sum eksterne finansutgifter	14 470 525	106,1 %	13 635 000	14 840 000	12 154 077
Resultat eksterne finanstransaksjoner	-9 676 040	108,1 %	-8 950 333	-9 793 000	-7 498 045
Motpost avskrivningar	-		-	15 600 000	-
Netto driftsresultat	-15 347 046	97,0 %	-15 819 676	-3 521 289	1 195 643
Interne finanstransaksjoner					
Bruk av mindreforbruk frå tidl. år	7 695 207		-	-	13 173 445
Bruk av disposisjonsfond	562 824		1 000 667	2 601 000	-
Bruk av bundne fond	3 845 777		181 333	3 950 000	963 635
Sum bruk av avsette midlar	12 103 808		1 182 000	6 551 000	14 137 080
Overført til investeringsregnskapen					-
Dekking av meirforbruk frå tidl. år					-
Avsett til disposisjonsfond	9 927 207		-	1 067 000	13 173 445
Avsett til bundne fond	821 886		-	-	1 051 750
Sum avsetjingar	10 749 094		-	1 067 000	14 225 195
Meir (-) /mindre (+) forbruk	-13 992 331	95,6 %	-14 637 676	1 962 711	1 107 528

Drift og forvaltning

ligg også svært tett på budsjett, men dette dekkar over fleire avvik. Brann har hatt betydelege ekstra kostnader til utrykkingar, førebels meirkostnad ca 0,5 mill. Vidare syner rekneskapen ei meirinntekt på VA-området, men denne går inn i bundne fond, og kan


ikkje nyttast til saldering av drifta elles. Løn- og rekneskapskontoret er frå 1.8.2018 slått saman med Lindås og Meland til felles løn og rekneskap. Kostnadene til vidare drift er førebels ikkje avklåra, men det har alt kome på ein del ekstra kostnader i samband

med førebuingane til felles kontor. Ved teknisk forvaltning er det førebels registrert meirkostnader knytt til planarbeid. Det ser også ut til å bli mindre inntekter enn budsjettert knytt til plan og byggesak i 2018.

Rekneskapsskjema 1A	T2 2018	%	Budsjett periode	Budsjett totalt	T2 2017
Skatt på inntekt og formue	74 883 930	98,0 %	76 392 000	121 100 000	74 000 145
Ordinært rammetilskudd	115 814 750	101,9 %	113 638 000	168 988 000	112 733 969
Skatt på eigedom	10 230 405	101,0 %	10 130 320	15 197 000	10 127 734
Andre generelle statstilskot	7 452 295	104,9 %	8 054 750	15 104 500	8 247 750
Sum frie disponible inntekter	208 381 380	100,6 %	208 215 070	320 389 500	205 109 598
Renteinntekter og utbytte	4 744 615	102,2 %	4 644 667	3 987 000	4 564 414
Renteutg.,provisjoner og andre fin.utg.	4 634 390	97,3 %	4 763 000	5 609 000	4 466 645
Avdrag på lån	9 780 390	110,7 %	8 832 000	8 994 000	7 656 140
Netto finansinntekter/finansutgifter	-9 670 165	108,0 %	-8 950 333	-10 616 000	-7 558 371
Til dekking av tidlegare meirforbruk	-		-	-	
Til ubundne avsetningar	9 927 207		-	-	13 173 445
Til bundne avsetningar			-	-	
Bruk av tidlegare mindreforbruk	7 695 207		-	-	-13 173 445
Bruk av ubundne avsetningar					
Bruk av bundne avsetningar	2 232 000				
Netto avsetningar	-				-
Til fordeling drift	198 711 215	99,1%	199 264 737	309 773 500	197 551 227
Sum fordelt til drift (frå skjema 1B)	212 710 611		213 902 413	307 811 009	196 443 699
Meir (-) /mindre (+) forbruk	13 992 396		14 637 676	-1 962 491	1 107 528

Rekneskapsskjema 1B	T2 2018	%	Budsjett periode	Budsjett totalt	T2 2017
Stab og politisk	15 049 791	100,5	14 971 437	20 117 793	
Oppvekst	76 857 025	98,5	78 021 393	121 679 275	
Helse og omsorg	93 740 920	99,8	93 952 046	133 097 599	
Drift og forvaltning	27 062 875	100,4	26 957 537	35 581 122	
SUM	212 710 611	99,4	213 902 413	310 475 789	

Sjukefråvære



Diagrammet til venstre syner kvartalsvis utvikling av sjukefråværet blant kommunalt tilsette i Radøy kommune frå 2013 til andre kvartal 2018. For første og andre kvartal 2018 ser vi ein svak nedgang samanlikna med fjoråret, men likevel etter måten høge nivå på sjukefråværet.

Balanse	2018	2017
Eigendelar		
Anleggsmidler	961 252 553	917 786 326
Fordelt slik:		
Faste egedomar og anlegg	370 613 506	360 496 507
Utstyr, maskiner og transportmidlar	15 557 979	16 787 435
Utlån	18 079 574	23 080 607
Aksjar og andelar	102 167 838	101 079 152
Pensjonsmidlar	454 833 656	416 342 625
Omløpsmidlar	135 600 255	129 498 760
Fordelt slik:		
Kortsiktige fordringar	8 581 158	12 364 901
Premieavvik	23 308 941	23 679 505
Kasse og bank	103 710 156	93 454 354
Sum eigendelar	1 096 852 807	1 047 285 086
Eigenkapital og gjeld		
Eigenkapital	190 335 391	183 908 443
Fordelt slik:		
Disposisjonsfond	25 672 046	17 477 650
Bundne driftsfond	11 429 577	20 528 551
Ubundne investeringsfond	5 095 269	5 095 269
Bundne investeringsfond	4 070 678	4 286 403
Rekneskapsmessig mindreforbruk	142 969 968	-
Kapitalkonto	-527 080	137 047 650
Endring i rekneskapsprinsipp som påverkar AK (drift)	879 223 860	-527 080
Langsiktig gjeld	879 223 860	817 314 249
Fordelt slik:		
Pensjonsforplikting	554 465 237	524 199 842
Andre lån	324 758 623	293 114 407
Kortsiktig gjeld	63 891 665	57 993 518
Fordelt slik:		
Anna kortsiktig gjeld	63 481 269	57 534 861
Premieavvik	410 396	458 657
Sum eigenkapital og gjeld	1 131 825 983	1 059 216 210
Memoriakonto	60 938 339	36 572 638
Fordelt slik:		
Ubrukte lånemidler	60 938 339	36 572 638
Motkonto for memoriakonti	-60 938 339	-36 572 638

Sum eigendelar og sum eigenkapital og gjeld samsvarar ikkje i balanseoppstillinga ovanfor for 2018. Differansen er lik meirforbruk i drift og investering, slik at det samla biletet av drift, investering og balanse blir null.

Rekneskapsskjema 2B		2018	Budsjett regulert	Budsjett vedteke
K10011	Digitalisering byggesaksarkiv	0	1 100 000	1 100 000
K12801	Utskifting av bilar	1 343 021	500 000	500 000
K15301	Radøyhallen oppgradering	1 237 953	1 900 000	1 200 000
K15831	Investering kyrkjer	200 000	5 000 000	5 000 000
K19081	IKT invesering IKT Nh	0	300 000	300 000
K19201	Mindre investeringar	932 527	1 500 000	1 500 000
K21201	Hordabø skule uteområde	294 563	300 000	300 000
K21301	Manger skule utbygging	0	2 000 000	2 000 000
K21302	Manger skule utstyr gymsal	0	300 000	300 000
K21303	Manger skule oppgrad garderober	33 191	0	0
K21401	Sæbø skule uteområde	34 688	1 000 000	1 000 000
K21901	Radøy ungdomsskule oppgradering	7 634	800 000	800 000
K27111	Austebøgd barnehage småbarnsavdeling	125 250	3 000 000	3 000 000
K27121	Bø barnehage nybygg	793 601	11 000 000	21 000 000
K27131	Sæbø barnehage vognskur	159 023	230 000	230 000
K32001	Oppfølging bustadsosial handlingsplan	0	500 000	2 300 000
K32101	Velferdssenteret oppgradering	0	1 000 000	1 000 000
K32251	Oppgradering omsorgsbustader	0	4 000 000	4 000 000
K48001	Turveg/lysløype Manger	583 371	2 600 000	2 600 000
K61021	Prestegarden/hagen/tingstova	61 313	2 000 000	2 000 000
K61031	Helsehuset ombygging	169 900	0	0
K61052	Utstyr teknisk drift	0	500 000	0
K61091	Solhall, kjøp og oppgradering	13 968 242	15 000 000	15 000 000
K62000	Vassprosjekt iht plan	3 137 283	7 500 000	7 500 000
K63000	Avløpsprosjekt iht plan	124 325	18 000 000	18 000 000
K65001	Brannstasjon	49 500	200 000	200 000
K65002	Brannvernutstyr	0	100 000	100 000
K65003	Kommandobil brannvern	486 563	0	0
K67601	Trafikksikring	84 550	2 000 000	2 000 000
Sum		23 826 497	82 330 000	92 930 000

Investering

Grunna systemskifte, og endring av struktur på investeringar, er det i denne rapporten ikkje tal for 2017.

Prosjekt 1530100 Radøyhallen

oppgradering 2018: arbeidet med oppgradering av resterande gardero-beareal, korridor, foaje og toalett er i hovudsak ferdig. Nye tribunesolar er levert, men førebels ikkje montert. I tillegg er det bestilt nye skiljevegar, og det vert vurdert oppgradering av kjøkken og kontor. Kostnader er innafor ramma i regulert budsjett, jf. budsjettregulering KS-025/18.

Prosjekt 2130003 Manger skule

utbygging: paviljong med klasserom kom på plass til skulestart. Kostnader er innafor budsjettamma på kr 2 000 000, men må først i drift, jf. FS-038/2018. Arbeidet med å finne ei per-

For investeringsrekneskapen vert det ikkje lagt fram hovudoversikt investering eller skjema 2A. Investeringane vert først finansierte når all tilgang av anleggsmidlar i 2018 er bokført, i samband med årsavslutninga. Hovudoversyn investering og skjema 2A gir såleis lite meining pr 31.08.2018. I skjema 2B er berre teke med prosjekt med rekneskapstal eller budsjett i 2018.

manent løysing på plassutfordringene ved Manger skule er starta, og det er henta inn tilbod på ein mulighetsstudie, som kan vise ulike løysingar for framtida.

Når det gjeld prosjekt 2140002,

Uteområde Sæbø skule, har skulen prioritert asfaltering av skuleplassen. Drenering og asfaltering av skuleplassen vart dyrare enn først anslått pga. grunnforhold og utfordringar med dreneringsarbeidet, og medfører eit meirforbruk på omlag kr 100 000.

Prosjekt Hordabø skule uteområde:

uteområdet er oppgradert innafor budsjettamma på kr 300 000.

Prosjekt 2190007, Oppgradering

Radøy ungdomsskule: ny utgang frå utstillingshallen på ungdomsskulen er ferdigstilt, noko som har

betra tilhøva for skulen med omsyn til sosiale fellesaktivitetar. Rådmannen rår til at oppgradering av naturfagssalen vert overført til 2019, på bakgrunn av utfordrande bemanningssituasjon for Teknisk drift hausten 2019.

Oppfølging bustadsosial handlingsplan: Og arkitekter AS har bistått i planlegging av nye bustader, men tiltak vert først sett i verk i 2019. Budsjettet er regulert i samsvar med med framdrift, jf. KS-025/2018.

Prosjekt småbarnsavdeling Austebyggd: På bakgrunn av Norconsults vurdering av byggt tekniske løysingar/estimerte kostnader mm og rådmannen si analyse av framtidig behov, er prosjektet slik det først var planlagt endra, jf. FS-055/2018.

Prosjekt 2712006 Nye Bø barnehage nybygg: reguleringplanarbeidet er i sluttfasen, og Forum arkitekter har utarbeidd anbudsgrunnlag. Prosjektet vert lyst ut på Doffin i haust, og byggearbeid startar først 2019.

Prosjekt 2714010 Sæbø barnehage vognskur: er ferdig utført innanfor budsjetttramma på kr 230 000.

Digitalisering av byggesaksarkivet pågår, og arkivmaterialet er sendt til Danmark for scanning. Prosjektet er innafor budsjetttramma, men vert ført i driftsrekneskapen av rekneskapstekniske årsaker.

Prosjekt 3210006 Velferdssenteret oppgradering: det er utbedra fuktskader på rom og toalett, samt oppgradert toalett, og kostnadene er innanfor budsjetttramma på kr 1 000 000.

Når det gjeld **prosjekt 3225002 oppgradering omsorgsbustader**, må arbeidet med oppgradering av bustadene i Hannesvegen og Raunholmskogen av praktiske omsyn ved den daglege drifta, delast opp. Oppgradering av dei tre bustadene i Raunholmskogen har vore på anbod, og planen er at ein leilighet vert oppgradert i haust.

Prosjekt 4800103 Turveg/lysløype Manger: oppstart av byggearbeid på etappe II av turvegen har starta opp. Det er gjort mindre endringar i traseen for å imøtekomme klager frå naboar. Toalettet ved Nesvatnet er ferdigstilt

og tatt i bruk, og legg til rette for vidare utvikling av området ved Nesvatnet. Turvegprosjektet er forventet gjennomført innanfor vedtatt budsjetttramme.

Prosjekt 6102001 Prestegarden/hagen/Tingstova: Rambøll har utarbeidd skisser og anbudsgrunnlag for oppgradering av Prestegardshagen, og arbeidet vert lyst ut på Doffin i nær framtid. Kommunen har overtatt ansvaret for Tingstova, som no er tatt i bruk som borgarleg vigslelokal.

Når det gjeld **prosjekt 6109020 Solhall kjøp og oppgradering**, gjorde kommunestyret i 2017 vedtak om å kjøpe Solhall frå Helse Bergen. Kjøpet vart gjennomført tidleg i 2018. Byggearbeidet på Solhall I, med tilhøyrande leikeareal og parkeringsareal har starta opp, og er planlagt ferdig mars/april 2019.

Arbeidet med **prosjekt 6210014 Vassleidning Listveit** vart ferdigstilt i juni 2018.

Prosjekt 6210007 Vassbasseng Haukåsen har vore lyst ut på anbod. Lågaste tilbod er høgare enn budsjetttramma på 3 100 000. Grunnvståing er førebels ikkje avklart, og prosjektet har derfor ikkje starta opp.

Prosjekt Ny vassleidning Austmarka-Storsandvik: Entreprenørarbeida har vore på anbod, og oppstart avventar handsaming av tiltaket hos Kystverket. Det er forventet at byggearbeid startar i år.

Prosjekt 6310005 Hovudreinseanlegg Manger: ny reguleringsplan er godkjent, og det er inngått kontrakt om kjøp av tomt. Prosjektering av reinseanlegget har planlagt oppstart i oktober, men byggjearbeid vil først starte i 2019. Framdrift i denne prosjektet påverkar gjennomføring av andre avløpsprosjekt på Manger: sanering Mangersvågen, nytt leidningsnett Mangersvågen og ny pumpestasjon, så då vert utsett.

Prosjekt Storsandvik –oppgradering og flytting av slamavskiljar: Entreprenørarbeida har vore på anbod, og tiltak er til handsaming hos byggesak. Planlagt oppstart så snart byggeløype er på plass og grunnvståing endeleg avklart.

Det er kjøpt inn **brannvernustyr** og kommando bil til brannvernet innafor budsjetttramma.

Prosjekt 6764001 Trafikksikring: Det er bestilt veglys langs Trevegen, frå kryss i Ystebøreenen og opp Sjøbrekka, samt fortetting av lys på gangveg Sæbø-Austmarka. Norconsult har gjennomført analyse av trafikktryggleik ved Radøyhallen/Grønålen og ved Sæbø bhg/skule, og det er bestilt prosjektering av trafikksikringstiltak og anbudsgrunnlag. Fortau i Austmarka er heva før asfaltering. Tiltaka er førebels innafor budsjetttramma på kr 2 000 000.

Iflg finansreglementet skal det rapportert på kommunen sine finansplasseringar.

Radøy kommune har no berre plasseringar i bank. Det er inngått ny hovudbankavtale med Sparebanken Vest, som gjeld ut 2019. Kommunen har for tida ikkje plasseringar i andre bankar.

Diagrammet til høgre syner renteutviklinga frå januar 2015 til august 2018. Internrenta mellom bankane (NIBOR) auka noko i første tertial, men har lagt stabilt like over 1% i andre tertial. Noregs bank har vedteke å auka styringsrenta med 0,25% frå 20. september, den første auken i styringsrenta sidan 2011.

Noregs bank justerte samstundes rentebana litt ned i høve til det som var venta. Det er sannsynleg at det kjem ytterlegare renteauke, men kanskje ikkje før i 2019.


Denne renteaugen på 0,25% vil gje Radøy kommune ein meirkostnad i 2018 på om lag kr 146.000. For heile neste år vert meirkostnaden kr 584.000.

Radøy kommune si samla lånegjeld er pr 31.08.2018 lag 312,7 mill, medrekna startlån til vidare utlån.

Lån i Kommunalbanken til vanlege investeringar utgjer 259 mill, og lån i KLP Kommunekreditt utgjer 32,1 mill. Av låna i Kommunalbanken har omlag 79 mill fastrente 2,49% fram til august 2019. Sist opptekne lån i Kommunalbanken og låna i KLP kommunekreditt har renterekning etter NIBOR + påslag 0,6/0,7%. Resten av låna i Kommunalbanken har såkalla PT-rente, som ed utgangen av august var 1,71%, i praksis svært nært låna med NIBOR-tilknytning.

Startlån tekne opp i Husbanken utgjer 21,2 mill. med flytande rente. Utlånte startlånsmidlar utgjer kr 18,1 mill. Det er løyst inn fleire startlån i 2018, samstundes som det har vore få nye utlån. Det er ikkje bokført tap på startlån så langt i 2018. Husbanken si ordning med tapsdeling, gjer at mogeleg tap som regel er avgrensa.

Renteutvikling 2016 - 2018



Fordeling fast og flytande rente

